

什邡縣志卷五十

金石志

邑舊多三教堂鑄儒釋道三像乾隆九年奉部議改革邑令史進爵建方亭書院適成迎至聖像安於中堂後邑令石欽承遷奉於奎閣繼又奉於文昌祠後殿乾隆四十一年邑令任思正建樓於書院之後迎

聖像安奉於其上像有三銅二鐵一鐵像高五尺銅像四尺有餘又

至聖鐵像一尊在治北六十里夫子院明萬曆七年張超張成張崇鑄像高四尺

古佛鐵像四尊在治西十里大觀音寺明成化十一年鑄

真武祖師鐵像一尊在署北街真武宮明宏治年間鑄

馬祖銅像一尊在治北里許羅漢寺明萬曆間邑人徐應聘鑄

觀音鐵像一尊彌陀銅像一尊在治北五十五里金相寺明成化年間鑄

老君鐵像一尊文昌鐵像一尊在治西五里三教堂明嘉靖二十五年鑄

古佛鐵像一尊在治北三十里黃泥庵明萬曆九年鑄

五顯鐵像一尊在治東一里土主廟明天啓年間鑄

什邡縣志

卷五十 金石

一

燃燈古佛鐵像一尊在治南六里韋馱庵頽垣中掘出年代無考

鐵大釜二鐵罐一在治北六十里淨土寺明成化年間僧慧祥鑄

銅鏡厚二寸五分圍七尺五寸徑二尺二寸五分在治北六十里夫子院明天啓六年僧普善

鑄

淳於古禮器也屬漢什邡人段祖得之以獻益州刺史王肅鑑高三尺六寸六分圍三尺四寸

圓如筍銅色如漆甚薄上有銅馬以繩貫馬令去地尺餘灌之以水又以器盛水於下以芒

莖當心跪注淳於以手振芒則聲如雷清響良久乃絕古用之以節樂見漢州古總志（舊

志）今無可考

編鐘康熙二十五年興修學宮掘得古編鐘六高五寸口圍一尺二寸色青黝黎古方紐疊收

腹背俱鑄太極八卦之形叩之細響清越存學署（舊志）按學署此物久無存

鐵鹿一支在治北九十里白鹿寺明本禪師鑄

隋帝子蜀王廟碑（宋紹興間任愿撰在南陽寺）

熙寧碑在大安王廟之側上敍維縣舊址（舊志）今無存

淳熙碑在慧劍寺淳熙二十六年十一月邑宦淳於震鑄（舊志）今無存